

Тайо войнаыс – йоз паметъыс вушйывтём нас!

Война. Мыйта шог да дой өти кывъяс. Мыйта вир да синва киссис сыыс. Война пыравліс быд семьяё, эз кольлы некодос бокө. Кодоскө босьтис да бөр лэдзис гортас, но унджыксө колис нэм кежлө фронт вылө. Став усъыссьө кө сувтөдны сідз шусяна «пачкаясө», дас морт кызь морт вылө, то тайо стройыс кутас мунны дас өкмыс сутки. Ті думыштöй: «Дас өкмыс сутки! Дас өкмыс вой и лун! И тайо здук кежлө сувтлытөг». Тайо сөмын салдатъяс да офицеръяс, а мунисны кө ещө гражданскöй олысьяс, то ковмис бы кык төлысь...

Тайо строяс мунисны бы менам пöльлөн кык ыджыд вокыс— Павел да Василий Игнатовъяс. Вась— медыджыд вокыс, чужис 1909 воын. Война дырйи веськаліс 21-өд армияса 8 гвардейскöй стрелковöй полкө рядөвöйөн. Кувсис доймалөмъясыс 1942-өд вося август төлысьө. Гуалөма Волгоградскöй обласьтын Нижние Липки хуторса братскöй гуын. Пöльлөн мөд вокыс, Павел, чужис 1921-өд воын. Служитис 204 стрелковöй полкса сапёрнöй батальонса 94 отделениеын. 1941-өд декабр 5-өд лунө усис врагкөд тышын. Кык во мысти, 1943-өд вося 16 лунө, Павеллы сетисны «За оборону Ленинграда» медаль поссмертнöя.

Пöльлөн вокъяс кодь салдатъяс страна пасьта зэв унаөн. Код йылысь кө ми төдам, кутшөм наградаяс босьтис да кутшөм подвиг вöчис салдат, а кодсюрöлысь весиг оз төдны, көні усьöма. И медым төдмавны тайо «без вести пропавшöйясыслысь» куйланінсö, эмось поисковöй отрядъяс. Тайо отрядас пырöны том йоз, кодьяслы абу веськодьöсь война вылын усьöмаяс. Найо му пиысь перйöны геройясөс, öтикөс мөд бөрся, но оз ставнысö позь төдмавны, өд эз быд салдат новлы аскөдыс медальон, шулісны, мый босьтан кө аскөдыд медальонтө тышад, бөр он бергөдчы.

Татшөм отрядас ветлөдлө менам чойöй. Сылөн «Северная звезда» отрядыс, да и ачыс чойöй, лэптисны эз өти дас боечөс. Кор лоа студентөн, мекöсья жö ветлыны сійö иньясас, көні мунисны пöсь тышъяс. Вермас лоны, мый ме аддза медальон, көні гижöма салдатлысь ним-овсö, да позяс сетны лысьöмсö рөдвужыслы, медым найо морт ногөн гуалісны сійөс.

Дерт, Великӧй война куґі 75 во сайын, помасисны взрывъяс, оз кивны лыйсьӧм шыяс, лӧнисны танкъяс да самолётъяс, но войналӧн йӧлӧгаыс век на кылӧ ветеранъяслӧн, тылын уджалысьяслӧн да войнадырся челядьлӧн казтылӧмъясын. Воысь воӧ налӧн лыдыс чинӧ, и миян могным— муӧдз копыртчыны да шуны: «Аттьӧ. Аттьӧ ставсьыс: лӧз енӧжсьыс, кӧнӧ оз лӧбав немечлӧн самолётъяс; мусьыс, кӧнӧ оз ветлӧдлы враглӧн кок; шуда олӧмсьыс, кодӧс тӧ, ветеранъяс, босьтӧнныд фашистъяслӧн кыысь. Аттьӧ, мый ми ловьяӧсь». Тавося май 9-ӧд лунӧ, кӧть и оз позь ветлыны парад вылӧ, пуктыны обелиск дорӧ дзоридзьяс, позьӧ звӧнитлыны да шуны шоныд кывъяс ветеранъяслы, тылын уджалысьяслы, ставныслы, кодӧ дорйис Аймунымӧс пеж фашистысь да шедӧдӧс миян страналӧн медыджыд вермӧм.